

Enformaziuns y Comunicaziuns

Rorate dles Families y benedisciun dles gherlandes d'Advënt: En domëgna ai 29 de novëmber - pröma d'Advënt - èl ales 10:00 le Rorate dles Families, eniann deboriada con i Jogn. Al gnarà abelí dai Mosaic. Te cösta ocasiun gnaràl inçe benedì les gherlandes d'Advënt. Düc è enviës da les condü adalerch a lascé benedì. I mituns con la gherlanda s'encunta dan dlìjia, 10 minuc dan mëssa, por l'ingres deboriada.

Iolan: La Uniun de San Vinzenz oress ti di iolan a dötes les porsones co à fat na spënora pla funziun da Gnissant dômisdé. En iolan i vâ inçe a düc chi co à daidé pla aziun dal guant dla Caritas: ala firma Erlacher Herbert, a chi co à daidé ciarié y desciarié.

Grup de Oraziun: En dédemesaledema ai 25/11 ales 20:00, s'encunta te salf de calogna d'Al Plan le grup d'oraziun con signor Sepl Granruaz. Le grup è davert y düc è enviës.

Cor dai Mituns: Al vën endò tignì proes por le Cor dai Mituns, co abeliarà les Madoines dai Mituns en Vëia de Nadé y la gran Mëssa da Nadé deboriada con le Cor de Dlijia. Düc i mituns è bel enviës da gnì a ciánté empara. Les proes vën tignides chisc dis, te scora de musiga (a pert chëra dai 23.12): sabeda ai 28/11 ales 10:30; sabeda ai 5/12 ales 10:30; sabeda ai 12/12 ales 10:30; sabeda ai 19/12 ales 10:30; lönesc ai 21/12 ales 19:30 (con le Cor de Dlijia); dédemesaledema ai 23/12 ales 15:00 y ales 19:30 (con le Cor de Dlijia).

San Mocherà: Le Grup dai Jogn d'Al Plan fej San Mocherà tles ciases, ai 6 de dezëmber. Les families pò s'anunzié pa Paul Pisching al 347/5539149 (dò les 17:30, o mené en SMS).

Jogn/1: En domëgna ai 29/11 dò la gran Mëssa saràl i Jogn d'Al Plan co vënn i calëndri d'Advënt 2015 y dal ann 2016, arjignès dala SKJ de Südtirol. Le cost è de 5,00€ y ci co vën ete i jarà a families de Südtirol co à debojügn.

Jogn/2: Le grup dai jogn SKJ enviëia ala cëna dai jogn, en vëndres ai 27/11 ales 19:00, tla Ücia Riff'a. Enformaziuns y prenotaziuns pa Florian al 349/8880244, anter i 24/11.

Conzert: Le Cor de Dlijia y la Musiga d'La Pli enviëia al conzert de Santa Zezilia en domëgna ai 22.11.2015 ales 15.00 te Ciasa dles Uniuns de paisc.

Marcé: Tal salf protezioné La Spona da Pederoa èl en sabeda ai 29 de novëmber dales 10:00 ales 17:00 en marcé da Nadé. Düc è enviës da storje pro.

Comun: Le Comun lascia alessëi che dai 1. de dezëmber ennant sarà le zënter de reziclaje davert le dédemesaledema dales 14:00 ales 16:30 y la sabeda dales 9:00 ales 12:00.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sëra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiadonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

Domëgna de Crist Re - Santa Zezilia, ai 22.11.15 - nr. 52



福若瑟
VAL BADIA

Vignönn co è dla lereté, ascuta mia usc!

Dal Vagnele dô San Jan 18, 33b - 37

Te chël tomp ^{33b}à Pilatus damané Gejù: Este tö le re dai iüdes? ³⁴Gejù à rospognü: Dijeste cösc de töa bona, o èl sté zacai d'atri co t'al à dit? ³⁵Pilatus à rospognü: Sunse iu forsc en iüda? To popul y i gran prèi t'à sorandé a me. Ci aste pa fat? ³⁶Y Gejù à rospognü: Mio rëgn n'è nia de cösc monn. Sce mio rëgn foss de cösc monn, fössel mia jont co combatess, ch'i ne ti gness nia sorandé ai iüdes. Mo mio rëgn n'è nia da tlò. ³⁷Pilatus ti à dit: Chël ô di, che t'es empò en re? Gejù à rospognü: Tö le dijës, iu sun en re. Porchël sunse nasciü y gnü tal monn, ch'i dàl testimonianza por la lereté. Vignönn co è dla lereté ascuta mia usc! **Parora dal Signur. - Lalt a té, Gejù Crist!**

Ponsier söle Vagnele

Con la lereté èl en pü' na te' cossa. Tal ennom dla 'dërta religiun' è Gejù gnü motü söla crusc, al è gnü fat crujades y copé "pagans". Con chëra ch'an arata la lereté vëgnel ciámó encö legitimé ditatöres y terrorism. Cò dëssun pa desfaronzié la lereté dala baujia? Sce an ti vâ dô al Vagnele, spo èl dui trus. Pröm: la lereté ne se lascia mai porté ennant con la violënza. La lereté pòn mâ testimonié con l'ejompl. Olache jont è desponüda da sté ete por ci che ara crëi, zonza adoré violënza, magari inçe paienn lassora, pòn speré da encunté la lereté. Y secundo: Chël co ô reconesce la lereté, mëss enstës ester en 'möt dla lereté'. Y chël co è arjigné trës endò da mëter en discusiun söa lereté, deache al sà che söa minunga n'è mefo nia la lereté assoluta, è söle bun tru da ciáfé la lereté. (Klaus Metzger-Beck)

Foto: H. Brunner



Die Frage nach der Königsherrschaft

Gottes ist die Frage, was uns wirklich beherrscht. Die Verwandlung der Welt setzt unsere Verwandlung voraus, der Herrschaftswechsel muss in uns beginnen. In der Taufe wurden wir mit Chrisam gesalbt als Zeichen dafür, dass wir Anteil haben an der Königswürde Christi. Mit der Taufe beginnt ein Herrschaftswechsel in uns, indem wir anfangen, aus dem Geist, den wir empfangen haben, wirklich zu leben.

Domëgna: 22.11.: Festa de Crist Re: Sa.Zezilia



Oferta por i bojügn dla Ploania

8.30: S.M. a La Pli

9.00: Proa dal cor de Dlijia

10.00: S.M. de reng. en onù de Santa Zezilia
por le Cor de Dlijia y dōta la Comunità

Al vëgn ciantè la "Missa Brevis" in ES de Heinrich Walder
con en grup de strumonc' a flé

Lön. 23.11: **Feria dla 34. edema: S.Columan, S.Klemens**

7.20: S.M. en onù de Sant Antone abate
S.M. por Families de Albert y Davide Trebo
S.M. por Families de Maria y Hans Trebo
S.M. por +nta Linda Rubatscher, Longega

Dédol. 24.11: **Memoria de S.Andrè Dung-Lac y Compagns**

7.30: S.M. a La Pli
vijita te dlijia y cortina

Dédem.25.11 **Feria dla 34. edema: Sa.Catarina d'Alessandria**

18.00: S.M. por +nt Willy Zardini
S.M. por +nta Clara Palfrader Paula
S.M. por vís y +nc' dla Fam. Loise y Albert Willeit
S.M. por vís y +nc' dla classe 1945
S.M. por +nta Mutschlechner Auer Rosmarie

Jöbia 26.11: **Feria dla 34. edema: S.Gebhard, S.Konrad**

Vijita te dlijia y cortina

19.30: S.M. a La Pli

Vëndr.27.11.: **Feria dla 34. edema dal ann: S.Virgile, Sa.Oda**

7.10: S.M. por i scolari
S.M. por +nc' Pisching de Candido
S.M. aniv.por +ta Maria y Otto Taibon, Mantëna
S.M. por les Püres Animes
S.M. por Fam. Pisching Franz da Sarjei
S.M. por +nc' Erlacher da Torpei

Sab.28.11.: **15.00:** Ora de oraziun
Sancta Maria in sabato: Sa.Berta, S.Gunther

N.B.: al met man l'Advent: Ann "C"

17.00: Poscibilitè da se pissiè

18.00: Rorate por: Musiga, Stödafüs y Schützen (Quartett Musiga)

Domëgna 29.11: I. Domëgna d'Advent: Ann "C", S.Luca

Oferta por i bojügn dla Ploania

8.30: S.M. a La Pli

9.00: Oraziun dla domëgna

10.00: Rorate por les Families con i Jogn (Mosaic)

13.30: Funziun dal Bato: Paul Ferdigg

18.00: S.M. por +nc' Ties Erna y Franz, Ritterkeller
S.M. por i laurs dantan le invern:
por le personal dai lifc' y pistes, por benedisciun


19.00: Oraziun comunitaria d'Advent te Familia



I resc tla storia lascia morí, por podèi enstèsc vire damí.
Le Re dla Storia mör enstès, por che i atri poi vire en plenëza.
(Ulrich Lücke)

Wer anderen selbstlos dient,
ist auf dem Weg zum wahren Königtum.
(Joseph Kentenich)

Gejú n'é nia ma en compagn.
Al é ince maester dla verité y dla vita.
Èl nes mostra le tru,
desco i podun gní encontonc.
(Papa Francesco)



CRISTO RE

Co po pa Gejú, co vëgn condané a mort y mör descredité söla crusc, éster en re?
lu crèii, che cösc sides le paradox de nosta fede, olache le ciorvel ne rōa nia plü
do, y ma le crèie po nes daidé ennant. I sun reconesciont, che l'ultima domëgna
dal ann liturgich é dedicada a Cristo Re: Che chël co patèsc é le re, proprio ince
por so patí.
Cösc é rio da capí, mo sonzier. Atló podunse sontí trepa consolaziun.
Sce le patimont tla vita de Gejú ne vëgn nia ascognü ia, n'ai gnanca bria da
ascogne mia desolaziun, mia meseria te mia vita. Y mia dignité desco porsona
romagn, ciódi che ara á la fondamonta tal patí de Gejú.

Te me condüjes, Signur, tal règn dla vita.

Le Signur é mio famèi, al ne mo mancia nia;
sön pastöres plènes d'erba me lascel palsé
y mo condüj pa eghes beles chites.
Al mo dá coraje y mo mëna söl dër tru,
por amur de so ennom.

Dan da me tēneste sön mesa,
sot ai edli de mi nemisc;
te unjes con ere mio ce.
Mio caresc vá porsora.

Sc'i messass passé fora por na val scōra,
ne me temessi da degun mal,
ciódi che tō es con me.
Tōa maza y to bastun
mo fej sontí sogü.

Contentëza y grazia sará mies
compagnes
düc i dis de mia vita,
y i abitará tla ciasa dal Signur
por dër trec agn. (Salm 22)

Sorvisc dai Ministróné

Lönesc 23/11 (07:20h), Dédemesaledema 25/11 (18:00h), Vëndres 27/11 (07:10h): Moritz Trebo, Jan Ties;

Sabeda 28/11 (18:00h): Jasmin, Martina y Melanie Ties, Max Maneschg, Matteo Sottrovisch, Giada Regis;

Domëgna 29/11 (10:00h): Miller Francesco Suani, Elena y Natalie Obojes, Maria y Matteo Huber, Alex Rubatscher;

